

1. Siðareglur varðandi kynbótasýningar

Kynbótasýningar hrossa byggja á lögum um búfjársýningar á vegum Bændasamtaka Íslands og reglugerð nr. 568/2020 um uppruna og ræktun íslenska hestsins. Eftirfarandi vinnureglur kveða á um ábyrgð, vinnubrögð og samskipti starfsmanna og þátttakenda á kynbótasýningum. Þá eru einnig sett fram viðmið um hæfi dómara gagnvart hugsanlegum hagsmunárekstrum. Þessar reglur miða að því að kynbótasýningar séu faglega traustur og hvetjandi vettvangur til heilla fyrir ræktunarstarfið.

Vinnureglur þessar eru leiðbeinandi en geta ekki verið forsenda þess að dómur sem ákveðinn hefur verið af dómnefnd verði ógiltur eða honum breytt. Eigandinn hefur alltaf þann valkost að fá endurdóm á hrossið á annari sýningu. Ferli umkvartana og agabrota auk hugsanlegra viðurlaga við þeim er útskýrt í reglunum.

Reglur um starfsmenn við kynbótadóma hrossa:

- Starfsmenn skulu vera hlutlausir, sjálfstæðir og sanngjarnir í samskiptum við knapa, hesteigendur, sýningarhaldara og annað starfsfólk. Fjárhagslegir og/eða persónulegir hagsmunir skulu ekki hafa, eða líta út fyrir að hafa áhrif á vinnubrögð.
- Starfsmenn skulu fylgja þeirri grundvallarreglu að störf þeirra veki traust og virðingu. Þeir stundi fagleg vinnubrögð, tryggi jafnræði allra þátttakenda og styrki samstarf og samvinnu starfsmanna, eigenda og knapa.
- Starfsmenn skulu ekki ræða störf samstarfsfólks við utanaðkomandi aðila (knapar, hesteigendur eða aðra). Samræður milli dómara eða annara starfsmanna á kynbótasýningu eru trúnaðarmál.
- Sýningstjórar, skrásetjarar og dómarar skulu sýna samstarfsfólk sínu virðingu og skulu gæta þess að vekja ekki vantraust gagnvart öðrum starfsmönnum eða dómkерfinu á samfélagsmiðlum.
- Ef kynbótasýningin er haldin á sýningarsvæði sem er í einkaeigu skal eigandi staðararins ekki vera hluti af starfsliði sýningarinnar (sýningstjóri, ritari, þulur), ef hann/hún er eigandi hrossa sem eru sýnd á sýningunni. (Hægt er að sækja um undantekningu frá þessari reglu til kynbótanefndar FEIF).
- Starfsmenn skulu lágmarka notkun samskiptatækja, þar á meðal farsíma, á meðan störfum á sýningu stendur.
- Starfsmenn skulu ekki neyta áfengis fyrr en eftir að störfum þeirra er lokið fyrir daginn.
- Starfsmenn skulu leitast við að auka faglega þekkingu sína.
- Starfsmönnum ber að fara eftir lögum og reglum sem gilda um kynbótasýningar.
- Dómari komi ekki að dómstörfum í sínu heimalandi ef aðalstarf hans er við umfangsmikla hrossarækt, hrossasölu eða stóðhestahald. Ef vafi leikur á slíku almennu hæfi dómara sker fagstjóri búfjárræktar RML úr því áður en skipan dómnefnda er ákveðin ár hvert.

Dómari víki úr dómnefnd ef:

- Dómari er hluthafi í, fyrrverandi eða núverandi eigandi að viðkomandi hrossi eða foreldris/foreldra þess.
- Dómari er ræktandi að hrossinu eða foreldris/foreldra þess.
- Dómari hefur tamið eða þjálfað hrossið.

- Dómari er eða hefur verið maki sýnanda, eiganda eða ræktanda hestsins. Dómari eða maki hans er skyldur/tengdur sýnanda, eiganda eða ræktanda hestsins; með því er átt við: maki eða sambýlismaður/kona, barn, barnabarn, foreldri, afi/amma, systir/bróðir eða þeirra börn.
- Dómari hefur greitt viðkomandi knapa laun fyrir tamningu, þjálfun eða sýningar á yfirstandandi ári.
- Dómari hefur þegið gjafir, fríðindi eða önnur hlunnindi frá eiganda eða ræktanda hrossins, sem telja má að muni hafa áhrif á trúverðugleika hans.
- Dómari er í aðalstarfi sínu undirmaður sýnanda, eiganda eða ræktanda hrossins.

Dómstörf.

- Fordómalaus vinnubrögð séu ávallt höfð í heiðri.
- Góð framkoma, kurteisi, hógværð og hlutleysi sé haft í heiðri.
- Dómarar skulu sýna starfi sínu virðingu og vera allsgáðir og einbeittir við sín störf.

Ábyrgð formanns dómnefndar.

- Hann ber ábyrgð á framkvæmd dóma á viðkomandi sýningu.
- Hann ber ásamt sýningarstjóra ábyrgð á að vellir, önnur aðstaða, mælingar og heilbrigðsskoðanir standist gæði og reglur.
- Hann skal sjá til þess að bæði íslenskum sérreglum og alþjóðlegum reglum FEIF sé fylgt.
- Hann skal sjá til þess að dómstörf gangi vel fyrir sig og að niðurstafað fáist.
- Hann skal tilkynna til ábyrgðarmanns hrossaræktar hjá RML ef eitthvað bregður útaf við dómstörf á hans vakt sem brýtur í bága við “Siðareglur um kynbótasýningar.”

Ferli agabrota/kvartana.

- Stig 1. Ábyrgðarmaður hrossaræktar hjá RML. Stig 2. Fagstjóri búfjárræktar hjá RML. Stig 3. Fagráð í hrossarækt. Eftir eðli og umfangi brots.
- Ábyrgðarmaður hrossaræktar hjá RML getur áminnt dómara eða vísað frá dómstörfum til styttri eða lengri tíma sé reglum ekki fylgt.
- Ábyrgðarmaður hrossaræktar er vanhæfur til að fjalla um agabrot/kvartanir á hærra kærustigi hafi hann áður tekið þátt í meðferð málsins á lægra stjórnsýslustigi.
- Ábyrgðarmaður hrossaræktar er vanhæfur til að fjalla um mál hafi hann slík tengsl við málið sem er til meðferðar að það geti haft áhrif á meðferð máls. Þ.e. er aðili máls, fyrirsvarsmaður eða umboðsmaður aðila eða ef hann hefur náin fjölskyldutengsl við aðila.

Reglur um knapa og umráðamenn:

- Knapar sýni prúðmannlega reiðmennsku.
- Knapar og umráðamenn sýni kurteisi og háttvísí í framkomu.
- Við brot á þessum reglum getur dómnefnd veitt knöpum og/eða umráðamönnum áminningu eða vísað frá sýningu.